

E2 Politischi intervencijona



Ando 16to decembei 1942 o rajipeskero voduschi SS Heinrich Himmler phentscha, hot o cile meg ando nimtschko rajipe dschivde Sinti taj Roma ando logeri Auschwitz ledschim iste on. Telal dschivipeskeri dar mangla o le hamischne papruschenca ando garujipe dschivdo Oskar Wilhelm Rose ando 5to April 1943 vasch jek vakeripe le kardinaliha Michael Faulhaber andar München. Leskero probalintschago, le kardinal use jek intervencijona gejng o ledschipe le butvar katolischi Sintijendar taj Romendar te micinel, schofim na ulo. O kardinal pisintscha ande leskero kalenderi: „Uso sekretari jek Zigeuner, le anaveha Adler, katolischi – O 14.000 Zigeunertscha ando rajipeskero than ande jek logeri khetan kedim taj schterilisirim te on, i khangeri te pomoschinel. Use mande kamla. – Na, naschtig pomoschago use phenav.“

💡 Dzsannahi odá

...hot o ceugen Jehovas pumen ojs jekoschno patschajipeskero khetanipe lengera cila soraha gejng o nacionalsocialistscha terdscharde taj but lengere dschenendar vaschoda murdarde ule?

✍ Tumari búti

Laken ari, sar mindenfelitike patschajipeskere khetanipscha upro nacionalsocialistschi tradipe le dschidovtschendar, Sintijendar taj Romendar, le politischi gegnerendar taj le teschtune ariakardendar taj avre tradime grupnendar, rejagirinde.

📷 Palo kípó

Oskar Wilhelm Rose (1902-1978). Dokumentacijonakero- taj kulturakero centrum nimtschke Sintijendar taj Romendar, Heidelberg



<https://romasintigenocide.eu/romanes/e>

1910

1951

1942-43